

შინაური საქმეები.

ორკვირული გაზეთი

№ 5.

ფასი ერთი შაური
 წლიური ფასი 31 შ. მან.
 წელიწადი მეშვიდე.

სუთვაბათი. 15 მაისი 1914 წ.

472



Handwritten notes:
 ლეონიძის
 მისივე
 მისივე
 20
 მისივე
 23 15

ს ი ტ ყ ვ ა

წმ. თამარ მეფის დღეს.
 I მაისს

მზისა, ვარდისა, სიკოცხლისა და შვების
 თვეა მაისის თვე. ამ თვეში მზე, ვით აკვანზე
 ბავშვისათვის ძუძუს მისაცემად დახრილი
 თმა გაშლილი დედა, უკლებლივ აფენს ბუნებას

თავის უთვალავ სხივებს, მაგრამ არა იმისთვის,
 რომ ამ სხივებმა დასწვან და გაახშონ რამე,
 არამედ იმისთვის, რომ მათ იგი ბუნება გააღბე-
 გაათბონ და სიკოცხლის ნაკადი აამოძრავონ
 მისში, გამოაღვიძონ, გააკოცხლონ იგი და
 ააფუონ, გაანდლონ და გამოაწყონ სამოქ-
 მედლოთ მისი წიაღი; ამ სხივებს დედის ტკბი-
 ლი ძუძუსავეთ სწოვენ სულდგმული და უსუ-



ლო არსებანი, ამ სხივების წყალობაა, რომ ზამთრისგან მიმკვდარებული ბუნება ღონეს იკრებს მაისში, წელში იმართება, გამოაქვს გარეთ თავის წიაღში ჩამალული სიმდიდრე, იფოთლებს, იფურჩქნება, ფერად-ფერად იმოსება, ზეიმობს და მთასა და ბარში, მინდორში და ტყეში, ვენახში და ხეში ყველგან მხიარულებს, ყველგან გალობს და ხმაურობს ყველგან სიციხლელ და მეჯლიშობაა გაჩაღებული. ვარდი და ია, ნორჩი ბალახი, ფრინველთა მხიარულება და ჩამომავლობისთვის ბუდის შენება, კრავები, ჩვილი ხბოები, ახალი ხილი და მინდორში ღვთისაგან ნაკურთხი ქვეყნის შვეებადი გუთანი | ყველა ეს კუთვნილება მაისის თვისა, ყელა ეს ჩნდება და იხილება ხსენებულ თვეში!

ამ სიციხლისა, გაფურჩქნა-ყვავებისა, სიხარულისა და შეება სიტყვების თვისთან დაუკავშირებია ქართულ ეკლესიას ჩვენი სიქალულისა და ღიღების—თამარ მეფის ხსენება. მაისის პირველი დღე თამარ მეფის ხსენების დღეა ქართულ ეკლესიაში. და ეს უბრალო შემთხვევით როდია, ძვირფასნო მსმენელნო, ჩადენილი! არა, ამით მშობლიო ეკლესია გამოთქვამს თავის აზრსა და შეხედულობას თამარის მართვა-გამგეობას, ამითი იგი გვაკოდინებს თამარის ღირებულობას საქართველოსთვის. რაც მაისის ნაზი და მაცოცხლებელი მზეა ბუნებისათვის, ის იყო საქარდველოსთვის თამარ მეფეცო, როგორც მაისის თვეში იღვიძებს ბუნება და თანდათან ღორძინდება, ყვავდება, მშვენიდება და მდიდრდება, ისე საქართველო თამარის დროს გამოფხიზლდა, აყვავდა, აღორძინდა ყოველ მხრივ განვითარდა და სახელ განთქმული შეიქმნა მსოფლიო ისტორიაშიო,—აი, ამას გამოსთქვამს, ამაზე გვითითებს და ამას უსვამს ხაზს ჩვენი ეკლესია თამარ დედოფლის ხსენების განწყობით მაისის თვის პირველ რიცხვს.

ასეთი შეფასება თამარის პიროვნებისა არაფრით არაა გაზვიადებული და გადაჭარბებული. თამარმა სწორედ მაისის თბილ მზისა-

ვით სული ჩაუდგა, აამოძრავა, გაანათლა, გაამდიდრა, ააყვავა და პოლიტიკურად გააძლიერა თავისი ბრძნული მართვა-გამგეობით საქართველო. იმ დროის ისტორიული ნაწერი საბუთებიც რომ არ გვექონოდა, თამარის ღიღებულ საქმეებს მაინც უტყუარად დავვისურათებდნენ უცხო ქვეყნის—ბერძნების, არაბების, სომხების და სხვ. მწერლები, სულაც რომ არა დაწერილიყო—თამარზე, იგი მაინც ღიღებულ მნათობად წარმოუდგებოდა ჩვენს გონებას იმ არხებისა და წყალსადენების, სიოცარი სიმაგრის ხიდებისა და ციხე კოშკებისა, დარბაზებისა, ტაძრებისა და მონასტრების მიხედვით, რომლებითაც მოფენილია მთელი კავკასია, ბოლოს, ამ ნაშთების კვალიც რომ რამე უკულმართობის გამო სრულებით გამქრალიყო, თამარი მაინც ისევ სხივმოსილ მზედ გვეჩვენებოდა, რადგანაც მისი საოცნებო სიბრძნისა, გამჭრიახობისა, მაღალი გონებისა, ყოვლის კოდნისა, სათნოებისა, სიმდიდრისა, მეფური სიმძლავრისა და მომზიბლავი სილამაზის შესახებ ქართველ ერს ერთი მეორეზე ეჯობებოდა ზეპირ ვადმოცემებით, მოთხრობებით, ლექსებით და სიმღერებით ოსები, ჩერქეზები, დაღესტნელები, სომხები, ბერძნები, სპარსელები და სხ. მაგრამ, ჩვენდა საბედნიეროდ, თამარის მზეობას ცხად ჰყოფენ, როგორც ჩვენი სამშობლო, ისე უცხოელი მათიანენი, მისი დროის ღიღებული ხუროთ მოძღვრების უთვალავი ნაშთები და ზეპირ სიტყვიერებითი მოთხრობანი.

საქართველოს სამეფო ტახტზე ქალთაგან პირველად თამარმა შესდგა ფეხი. რამდენათაც არა ჩვეულებრივი იყო ეს მოვლენა, იმდენად არა ჩვეულებრივი განხორციელებით, მანამდე არ გაგონილი ბრწყინვალე დღესასწაულობით გაღიხადა მეფე ქალის ტახტზე ასვლა ბედნიერმა საქართველომ. მშვენივით მობრწყინვალე მეფეს ძვირფასი თვლებით მოქედილი გვირგვინი თავზე დაადგა ანტონ ქუთათელმა, წელიწადში შეარტყა რაქის ერისთავმა, სიკატრა ხელში ააღებინა მამამ გიორგი მეფემ, მეფეთა ძიწეული მხრებზე მოასხეს ღიღებულებმა; ყვე-

ლამ შეჭვივის ერთგულებაზე და ბოლოს გამართეს დიდებული ღვინო, შემოტიანეს სიტყვებით „ჭკრეს სპილენძ-ჭურთა, ბუკთა, ქოსთა და წინწილთა; იყო ზარი და ზეიმი ქალაქსა შინა, სიხარული და მხიარულება, შვება და მოსვენება, იმედი უიმედო ქმნილთა და სასოება უსასო ქმნილთა“.

მხიარულებას და ხალხის აღტაცებას აორკეცებდა ის, რომ ტახტზე მდგომმა მეფემ გაახსენებინა მამა-პაპათა საუნჯენი და გაშლილი ხელით გასცემდა ოქროსა და ვერცხლს გაჭირებულებებზე, ქვრივობლებზე, ლაშქარზე. ასე რომ, თავალათ მნახველის მოწმობით, „ამა ესე ვითარსა შინა დაწყებასა წყალობისასა, იმერთა და ამერთა, ზემოთა და ქვემოთა არა დაუტყუა მექენე, რომელსაცა ზედა არა უხვევით მიჰქინა წყალობა და სსმარაჲ. ჩვენ განგებ ხაზს უსვამთ და ყურადღებას ვაქცევთ უკანასკნელ სიტყვას, ეს ლექსი გვიჩვენებს, რომ მეფე-ქალმა თავისი მართველობა დაიწყო სამართლიანობის დამყარებით; მან მოსთხოვა მოხელეებს, რომ ხალხს ამიერიდან მოპყრობოდნენ სისწორით, მიუდგომლობით, გულახდილობით, მართლმსაჯულებით; ვალად დაუდგინა, რომ სულ მდაბალი და უმნიშვნელო პირიც არ გაეხადათ მსხვერპლად უსამართლო ძალმომრეობისა.

განსაკუთრებულ ყურადღებას მოითხოვდნენ ეკლესიის საქმეები, მწყემსთა და სამწყმოს შორის განწყობილების მოგვარება. ბრძენმა დედოფალმა ცსწორეთ ამის მოაქცია ყურადღება. მან დაიბარა იერსალიშიდან სიბრძნითა და წმიდა ცხოვრებით ცნობილი ყოფილი მცხეთის ქათალიკოსი ნიკოლოზი, შეტრია უკანასკნელის თავჯდომარეობით მიყლი სამეფოს ეპისკოპოსნი, მონაზონნი, შეუღაბნოენი და საღმრთო სჯულის მკოდნე პირები, შევიდა კრებაზე, სიმდაბლით ეამბორა მამებს, როგორც უბრალო შიროვნება და შემდეგ დაახლოებით ასეთი სიტყვებით მიმართა მათ: „წმინდანო მამანო, თქვენ დადგენილნი ხართ ღვთისაგან მოძღვრებად და გამგებლებად ეკლესიისა, თქვენ მოვთხოვთ ღმერთი პასუხის გებას ჩვენი ცხოვნების შესახებ. მოაქციეთ მკ-

ური ყურადღება ქრისტიანეთა ცხოვრებას, კეთილი მხარე ამ ცხოვრებისა განამტკიცეთ, ხოლო რაც უგვანო და ბოროტი რამაა მასში, უსათუოდ მოსპეთ, მოჭკვეთეთ და სასტიკად აკრძალეთ დადგენილებით. გასწორება იწყეთ ჩემიდან, რადგანაც სიდიდეს ვატარებ მეფობისათვის და არა ღვთის საგმობლად, ნუ მოერიდებით მთავრებს მათი ღიდაცობის გამოისობით და ნურც უბრალო პირებს შეურაცყოფთ მისთვის, რომ იგინი უბრალონი არიან; თქვენ კეთილი დადგენილებანი მოახდინეთ და მე მათი შესრულებით დაგებხარებით, თქვენს სწავლას შევითვისებ, თქვენ მაგალითი დაგვიყენეთ წინ, და მის განხორციელებას მე ვიდებ თავს. ორივე მხარემ ხელი ხელს მივეეთ სარწმუნოების დაცვაში, რომ არ ჩავცვივდეთ ღვთის პასუხის გებაში თქვენ, როგორც მღვდლები, მე, როგორც მეფე, თქვენ, როგორც უმფროსი გამგენი, მე როგორც უბრალო დარაჯიო“.

გამხნეებულმა მეფის ამგვარი მოპყრობით, კრებამ გასწმინდა ქრისტიანების ცხოვრება დროთა ვითარებისაგან შემოპარული ბოროტი ჩვეულებებისაგან, ეკლესიის სათავეში ჩააყენა ქათალიკოზი, ნიკოლოზი, ყველაფრით მსგავსი წმ. ნიკოლოზისა, განჭკვეთა უღირსი ეპისკოპოსები და ყველგან, ეკლესიაში თუ ოჯახებში, დაამყარა სასურველი წესიერება.

თამარ მეფის გამჭრიახმა თვალმა ჩქარა შენიშნა და დაუყონებლივ ჩამოაშორა სამეფოს გამგეობას შიგა და შიგ ავადმყოფობისაგან დაუძლეურებულნი და უღირსად ამაღლებული დიდრონი მოხელეები, რომელთა სამსახური უქმყოფილებას ბადებდა ხალხში.

სხვათა შორის თამარს გაუდგა ერთი მძლავრი მოხელეთაგანი, მტკუტკლეთ უსუტესი, ე. ი. სამეფო ხაზინისა და ქონების გამგე, სახელათ ყუსალუ-არსლანი. იგი სწუნობდა თავის თანამდებობას და ცდილობდა გამხდარიყო ამირსპასალარად, — ეხლანდებურათ სამხედრო მინისტრად ყუსალუ-არსლანმა შეადგინა დიდებულიებისაგან პარტია, გადაიბირა ჯარის ნაწილი

და ეპირებოდა იარაღით ხელში თავის სურვილებს განხორციელებას, მაგრამ აქ იყო რომ თავი იჩინა თამარ მეფის სიბრძნემ და დიდ ბუნებრივად რასაკვირველია, თამარისათვის არაფერს სიძნელეს არ წარმოადგენდა ხსენებული ურჩის შეპყრობა, მისი და მისი მომხრეების სასტიკად დასჯა, მაგრამ დიდებულმა მეფემ ეს არ იკადრა.. უსიამოვნების გასაქრობად მან მიმართა მალაღსა და კეთილშობილურ გზას, — სიტყვიერ ჩაგონებას. დედოფალმა აჯანყებულებს მოციქულად მიუგზავნა ორი პატივსაღები მანდილოსანი: ხვაშაქ ქელი და კარავ ჯაყელი წინადადებით, რომ განდგომილებს დაეყარათ იარაღი, დამშვიდებულიყვნენ და დედოფალი აბატივებდა მათ დანაშაულს.

საუცხოვო შედეგი იქონია დედოფლის გონიერმა მოსაზრებამ: მანდილოსანთა მოციქულობამ იმდენად იმოქმედა შეამბოხებებზე, რომ უცბათ დააყარეს იარაღი და, მატთანეს მოწმობით, „მაშინვე მოყვეს დიდებულნი ბძანებასა პატრონისასა (ე. ი. თამარისას), მოვიდეს წინაშე თამარისა და დავრდომით თაყვანისცეს, და აღიღეს ფიცი პატრონისაგან, და მისცეს პირი ერთგულებისა და ნებისყოფისა თვისისა“

ასე აამაღლა, ფასი დასდო, გააცისკროვანა და წრფელი პატივისცემით შემოსა ქალის პიროვნება ქართველი ერის თვალში ბრძენმა მეფემ თავისი გონიერი საქციელით, ასე დიდებულ და სათაყვანებელ საგნად გახადა მან ერის თვალში ნაჩვენები მოსაზრებით მანდილი პატიოსანი დიასახლისისა იმ დროს, როდესაც არავითარ ანგარიშს არ უწევდნენ დედაკაცს, როდესაც ქალი ყოველგან მამაკაცის გასართობ და სასიამოვნო ნივთად იყო ცნობილი!

ქალი ბურჯია ერის კეთილდღეობისა, ქალი მატარებელია ერის სული სიცოცხლისა, ქალი დვრიტაა ეროვნების დღეგრძელობისა და ვინ იცის, რომ ჩვენი ერის აქამდე არსებობა, ჩვენი ერის განსაკვირვებელი ხანგრძლივობა, ჩვენი ერის ასე თუ ისე გამარ-

ჯვებით გამოსვლა იმ შიმში და აუტანელი პირობებიდან, რომლებიც მას წილად არგუნა უღმობელმა ისტორიამ, პირობებიდან, რომლებმაც დიდი ხანია მოსპეს და დედამიწიდან აღხოცეს ჩვენზე გაცილებით მეტად მძლავრი ერები, პირდაპირი შედეგი არ არის იმისი, რომ შარაყანდელით მოსიღმა თამარ მეფემ თავისი მაგალითით და მოქმედებით ქალისადმი მალაღი პატივისცემისა და ნაზი რიდის მოუშლელ ტახტად გახადა ქართველი კაცის გული!

ჩვენს დროს საითაც უნდა გავიხედოთ, რომელი სახელმწიფოც უნდმ ავიღოთ, ყოველგან გამეფებულია დაუცხრომელი, მედგარი, სამკედრო სასიცოცხლო შინაგანი ბრძოლა იმის თაობაზე, რომ უმალღესი მართვაგამგეობა სახელმწიფოებისა ხალხსაც ეკითხებოდეს, რომ ამ გამგეობას მართა მეფეები არ კისრულობდნენ. ეს ხდება დღეს, მეოცე საუკუნეში. თამარმა კი შვიდასი წლის წინეთ თავისი ნებით და შეგნებით გვერდში ამოიყენა დიდებულითა კრებული, რომელიც ერთის მხრით იხილავდა და მსჯავრსა სდებდა მეფის ყოველ მნიშვნელოვან განკარგულებას, ხოლო მეორე მხრით საკუთარ მოსაზრებებს უდგენდა მას შესასრულებლად, ე. ი. მანამდე თვითმპყრობელობით აღჭურვილმა მეფემ თავის თავად ჩამოირთვა უფლებანი და, ქვეშევრდომთა სასიკეთოთ, მიანდო არასტოკრატულ კონსტიტუციას.

ახლა ის რამდენად ღირს, რომ ამ საოცარმა მეფე ქალმა, მიუხედავად მისი დროის სისასტიკისა, როდესაც ყველა მეფეები და გამგებლები თითქმის ჩვეულებრივ საქმედ სთვლიდნენ დამნაშავის სიკვდილით დასჯას ან დამახინჯებას გამოკურვით, ენის ამოგლეჯით, ხელ-ფეხის წაჭრით, თვალების დათხრით, ცხვირისა და ყურის მოთლით, არამც თუ საესებით მოსპო თავის სამფლობელოში ამგვარი საშიშრობანი, კაცის ღირსების დამამკირებელი და შემბლაღავი მოქმედებანი, მემატიანეს სიტყვით, „არცა თუ ტანჯვანავი“, ე. ი. მათრახი, „უბრძანა ვისღამე დაკვრა“! ახ

ლა თქვენ ბძანეთ, ძვირფასნო მსმენელნო, განა ჩვენ დროში ბევრგან აქვთ ამდენად ლმობიერი, ამ ხარისხამდე გულთბილი, ამდენათ პატივდებით მოპყრობა დამნაშავეებს? საქართველოს მოსახლდრე ქუა ბნელი და უწყრთენელი სპარსები და თურქები ფეხზე აღარ იდგნენ სიხარულით, როდესაც გაიგეს საქართველოს სამეფო ტახტზე თამარის ასეა. თამარი ქალია, ის თავს ვერ გაართმევს სამხედრო საქმეებს, ვერ გაბედავს ჩვენს წინააღმდეგ ბრძოლას და სულ ჩქარა დავებატრონებით საქართველოსო, ასე ფიქრობდნენ ხსენებული ერები და მოურიდებლად იწყეს შემოსევა სხედასხვა მხრიდგან. მაგრამ სინამდვილემ შიგ ძირში შეაკვეცა ფრთები მათ ოცნებას, თავზე ცივი წყალი გადაავლო ყველას.

თამარმა გადაიხადა გარეშე მტრებთან შემდეგი ომები: შამქორისა სპარსელებთან, რომელნიც ქართველებმა უკუაქციეს მოწინააღმდეგენი და ხელთ იგდეს მათი ბანაკი, თორმეტი ათასი ტყვე და ურიცხვი ოქრო და თვალმარგალიტი; ბოლოსტიკისა თურქებთან, სადაც თავი ისახელეს შეუდრეკელობით ქართველებმა; ორი მხრიდან მამაცური შეტევით იმერ-აფხაზებმა და ქართლელ-კახელებმა სძლიეს ოთხასი ათასი თურქი და ყელამდინ აიგსო ნადავლით ქართველი ჯარი, გამდიდრდა სახელმწიფო ხაზინა და ტევა აღარ იყო საქართველოში ტყვედ მოყვანილი თურქებისა; არდებლისა თურქებთანავე, რომლის დროსაც ნაცარ-ტუტი აადინეს ქართველებმა ოსმალებს და ბოლოს გამირული შექრა ქართველობისა სპარსეთში მის დასაქერად. ქართველებმა აიღეს მარანდა, თაერიზი, ყაზმინი, გურგანი და სხვა მრავალი ციხე-ქალაქი; ლაშქარს ველარა უდგებოდა რა წინ, იგი მთლად დაიპყრობდა სპარსეთს, ერთს გარემობას რომ არ ეჩინა თავი ქართველების ლაშქარში: შეუძლებელი გახდა უშველებელი აღაფის თან ტარება, ამიტომ ქართველებმა მიატოვეს სპარსეთი და უკან დაბრუნდნენ სამშობლოში.

აი, ასეთი საარაკო ძლიევა მოსილობის

სახელი მოუპოვა ქვეყანაში თამარ შეფემ ქართულ ფარხმალს, ასეთი გამირული სული ჩადგა. მან თივის ლაშქარს, ასე დააჩოქა და ქელი მოახრეცინა მან თავის ტახტის წინ საქართველოს მტრებს, ასე შორს გასწია და გააფართოვა მან თვის სამფლობელოს საზღვრები!

თქვენ იტყვიან თამარს არც ერთ ომიანობაში არ მიუღია პირადათ მონაწილეობა არც ერთი ომი არ უწარმოებია თავისი უმფროსობისა და პირდაპირ ხელმძღვანელობის ქვეშ, ამიტომ არც გამარჯვება მიეწერება მასო.

არა, ომს ის აწარმოებს ნამდვილათ და ის ამარცხებს მტერს, ვისთვისაც გული უცემთ მეომრებს, ვის ყურადღებისა და აღერისს ღირსად გახდომისათვის მკერდს უშვერენ ტყვიას მეომრები და განა თამარის დედობრივი მოპყრობა ლაშქარისადმი, მისი გრძნობით სავსე და ბეჯითი დარიგება, მისი უმწიკვლო ლოცვა-ვედრება ლაშქრის წინ ომის დაწყებისა და გათავების დროს, მისი გამოთხოვება ლაშქართან ჯვართ ხელში ომის ველზე ვასტუმრების დროს, ის მომხიბლავი ძალა არ არის, რომელიც ამოქმედებდა ამ ლაშქარს, რომელიც განუწყვეტელად ჩასძახოდა მას ყურში: „მან გაიმარჯვე მტერზე და მით გაახარე შენი სათაყვანო დედა-მეფე, ან მისი გულისთვის მოკვდი ომის ველზეო?“ მგზავრი მშვიერი არ დარჩება, თუ სახლიდგან კარგი საგძალი წაიღო და განა საეკეო იყო, რომ ქართველები მტრებზე გაიმარჯვებდნენ, როდესაც ამ გამარჯვებას თან ატანდა მათ თამარი თვისი ცეცხლის მომდები სიტყვებით: „დარიგებით?!“

გარეთ რომ მტრებს ზარსა სცემდა, შინ, თავისიანებს, მაღლიანი დედოფალი თავს ევლებოდა და დიდსა და პატარას ყოველი საშუალებით, ყოველ გვარი ღონის ძიებით, და ხელშეწყობით ეზიდებოდა ქონებრივი, გონებრივი და ზნეობრივი წინსვლა-განვითარება-აყვავებისკენ. საქართველო, მსგავსად ბუნებისა რომელიც მაისში თბილი მზის სხივების გავლენის გამო საოცნებოთ იშლება და იფოთ-

ქება, თამარ დედოფლის მართველობის ქვეშ აუცილა, შეიშო, გაძლიერდა, გამდიდრდა, განვითარდა, განათლდა და ყოველნაირად გაიზარდა. იმ დროს განვითარდა ქართველებში ვაჭრობა, მრეწველობა, მეურნეობა და ხელოსნობა იმ დროს იყო, რომ საქართველო დაისერა გზატკეცილებით, მაშინ გაიშართა მდინარეებზე საოკარი სიმაგრის ხიდები, მაშინ მოიჩუქო და განაყოფიერდა უშველებელი არხების გაყვანის საშუალებით უდაბური ალაგები, მაშინ იყო, რომ გაზაფხულის ბალახივით იფეთქა ქართველთა გამრავლებამ და ოთხ მილიონამდე ავიდა მათი რაოდენობა, მაშინ გაჩნდნენ ახალი ქალაქები, დაბები და სოფლები, მაშინ გამრავლდა სამადლო სახლები, ქსენონები და სასწავლებლები, იმ დროს ინდელი ნაშთებია კლდეში გამოჭრილი ქალაქის მსგავსი ვარძიის მონასტერი, კობტა ფითარეთი, მტკიცე და კლდესავით შეუძერელი ქვაბთახევი, ძვირფასი გრაფილ-ჩუქურთმებით დაფარული ბეთანიის ტაძარი და უთვალავი ციხე-კოშკები, იმ დროს გაჩნდნენ და მნათობდნენ უკვდავი შოთა რუსთაველი, ჩახრუხაძე, სარგის თმოგველი და მრავალნი მათ მსგავსნი, თამარის დროს იყო, რომ ქართველები, სოლომონ მეფის დროინდელ იუდეელთა და ისრაელთა მსგავსათ „სხოვრობდნენ უმწუხროდ თვითეული ქვეშე ვენახსა თვისსა“ (გ. მეფ. 3, 14), თამარის დროს, რომ ქართველი ერის ისტორიაში აღიარებულა ოქროსა და უმაღლესი ძლიერების ხანად.

მარტივად, მაგრამ სრული სინამდვილით გვაცნობს ძველი მემატიაწე იმ დროს, წრფელ და მზურვალე პატივისცემას თამარისადმი, რომელითაც სუნთქვამდა ქართველი ერი რომელიც შეადგენდა დიდებული მეფე ქალის ნაცნობთა და ხელქვეითთა სულის კვეთებას. ქართველთა პირიდანო, შენიშნავს მემატიაწე, მხოლოდ თამარის ქებადა ამოდისო: მის სადიდებელ ლექსებს აწერენ სახლების კედლებზე. მისი ქება-დიდებათ ამშვენებენ ძვირფას ბეჭდებს, ყვარაჯენებს და დანებს, თამარს დამღერიან ყოველგან სოფლის პატარა მწყემსები,

თამარია უმთავრესი საგანი მესტვირეთა და მეჩანგეთა მუსიკობისა, თამარს უგალობენ ზღვის ზვირთებთან მბრძოლი მენავენო და სხვ.

მაგრამ განა ეს მხოლოდ თამარის დროს ქართველებზე სათქმელი? განა თამარის სახე როდისმე წაშლილა ქართველი ერის მეხსიერებაში? განა ყოფილა როდესმე წამი, რომ თამარის სიყვარულს ფართო ალაგი არა სჭეროდეს ქართველი ერის გულში? თამარის ქება, თამარზე მღერა მცირე ხანს მაინც შეწყვეტილიყოს ჩვენს ქვეყანაში? მიბრძანდით, თუ გნებავთ ფშავში, გაეცანით ხალხური კალენდრის შანაარსს, და დარწმუნდებით, რომ ერს უმთავრესს და უბრწყინვალეს დღეობად თამარობა აქვს მიღებული, რომ მთელი თემი დღესაც თამარს აღიდებს, თამარს უგალობს, თამარზე ლექსობს, თამარით ბედნიერობს, თამარს ლოცულობს და უსასტიკეს წყევალ-კრულვას უთვლის მას, ვინც თამარობას ერში მოშლის, თამარის ქებას დაივიწყებს, თამარის ხსოვნას გაიქრობს.

რა პირობამ შექმნა თამარ მეფე ქართველი ერის სალოცავად, სულიერ საუნჯედ და შვეების წყაროდ? რამ დააუფლა იგი სამარადისოდ ქართველი ხალხის გულსა და გონებაზე?

— მისმა მაღალმა ჰკუამ. სიბრძნემ და გამკრიგებობამო, ბძანებთ თქვენ.

ოღონდაც რომ თამარი გონების მხრივ იშვიათ მოვლენას შეადგენდა, მართლა რომ მას ჰკუით ბადალი არ ჰყავდა არც თანამედროვე მეფეთა და არც ქვეშევრდომთა შორის, სწორეთ რომ სიბრძნით ისე მაღლობდა ყველას, როგორც სწორი ალვის ხე ასკილის ბუჩქს.

მაგრამ საქმე მთლად ამაში როდია. მსოფლიო ისტორია სხვებსაც ბევრს იცნობს თამარ დედოფლისთანა მაღალი ჰკუის პატრონებს და მასზე დიდ გენიოსებსაც, გარნა იშვიათია, რომ ვინმე მათგანი ჩასწლომოდეს ერს ისე ღრმად გულში, როგორც თამარი, იშვიათია, რომ სხვას ვისმეს გაეთბოს ერის გულის ყველა კუნძულები ისეთი ნაზი და დამატყვევებელი თანაგრძნობით, როგორც

თამარ მეფეს. შესანიშნი გმირები და სახელოვანი მეფეები მომეტებულ ნაწილად შოულობდნენ ხალხის მორჩილებას და ერთგულებას ხასიათის სიმკაცრისა, ფიზიკური სიმძლავრის მეოხებით და არა ღმობიერებით, როგორც თამარი, არა სხვათა ღირსების დაფასებით, არა იმ სულიერი ძალის მეოხებით, რომელსაც სიყვარულს ვგძახით, რომელიც მოციქულის სიტყვით, სულგრძელ არს და ტკბილ, რომელიც არა ეძიებნ თავისასა, ყოველსა თავს იდებნ, ყოველსა მოითმენნ (ა კორ. 13, 4--7), ცხოველი ღვთის, ცხოველი სიტყვისადმი სრული და სავსებითი ერთგულება, სამსახური, ქრისტეს მშოსაობა--აი, რამ დააუფლა თამარ მეფე ქართველთა ერის გულს, რამ გაასხივოს იგი ქართველთა წარმოდგენაში, რამ მიანიჭა მას ისეთი სასწაულებრივი შინაგანი ძალი და გარეგნული გამომეტყველება, რომ არამც თუ აღმიანებს, ნადირებსაც კი უხაროდათ მისი ხელქვეითობა და მორჩილება. შეიძლება, მეტად გადაჯარბებული, შეიძლება, სულაც ზღაპარი იყოს შემდეგი თქმულება თამარის ღომზე, მაგრამ ჩვენთვის მიანც ღიდათ საგულისხმია იგი, როგორც ხალხის შეხედულობის გამომსახველი თამარ მეფის სულიერი გავლენის სიმძლავრეზე. ერთმა კარგმა ნაცნობმა თამარ დედოფალს საჩუქრად მიართვა ღომის ლეკვი. ეს ლეკვი ისეთი საშინელი შეიქმნა და იმხელა გაიზარდა, რომ მისი მსგავსი არც შინაურ და არც ველურ ღომთა შორის კაცისაგან არა ნახულა. შემატრანე აღნიშნავს, რომ თუ კი დარბაზში მოიყვანდნენ, შეუძლებელი იყო, რომ ღომი ვისმეს დაეკავებინა, ვისმეს დაეხა და თამართან არ მიეშვა, იგი ყველაფერს დაღეწავდა, ყველა დაბრკოლებას სძლედა, უსათუოდ მივიდოდა თამართან, თავს ჩაუდებდა უბეში და რადაცა მორიდებით დაუწყებდა ღომსას. როდესაც მეფის ბრძანებით მოაშორებდნენ და მაგარი ჯაჭვებით დააბამდნენ, ღომი იწყებდა ნაკადულივით ცრემლთა ფრთქვევას და ღიდათ შეწუხებული გამოიყურებოდა. თამარი ცხოვრობდა იმისთვის, რომ სხვებისთვის ბედნიერება მიენიჭებინა, იგი ღამეებს თვითად ათენებდა, რომ მეტი ტანთსაცმელი დაემზადებინა ობლებისა და ღარიბებისათვისს დღიური საზრდოს ფასს თავისი ხელთნასაქმის გაყიდვით შოულობდა, რომ სახელმწიფო ხაზინიდან მეტი მოწყალება გაეღო გაქვიერებულეებზე, ავადშყოფებს ხშირად თითონ ნახულობდა, თითონ ემსახურებოდა, თითონ უსწორებდა მათ ღოვინს, სიცოცხლეს აღევდა საქვეყნო საქმეებს და მხოლოდ ქვეყნის ბედნიერება, ქვეყნის სიკეთე შეადგენდა მის პირად ბედნიერებას და სიხარულს. ვიმეორებ: ქრისტეანულმა ღმობიერებამ, ქრისტეს მცნებათა თან შეხამებულმა ცხოვრებამ შემოსა თამარი ერის თვალში წმინდანის შარავანდელით, ქრისტეს მცნებათა მიმდევრობამ გახადა იგი ღიდასა და პატარასთვის სათაყვენებელ პირად, ქრისტეს მოძღვრების თანახმად წარმოებულმა გამგეობამ შეადლებინა მას საქართველოს ამაღლება, გაძლიერება და ყოველ მხრივად განვითარება--წინ წაწევა.

თქვენთვისაა განსაკუთრებით საგულისხმია და საყურადღებო, ქართველო დედებო და ასულებო, თამარ მეფის პიროვნება, ყველაზე მახლობლათ თქვენ სდგვხართ მასთან და ამიტომ უველაზე მეტად თქვენ უნდა განიცდიდეთ მის სიკეთეს, მისგან გამომაველ აღმაფრთოვანებელ სულიერ სიტბოს, ადამიანთა გამაკეთილშობილებელ შინაგან ძალას. თუ თქვენთვის ღირებულებას მოკლებული არ არის თქვენი სამშობლოს აღდგენა-გაძლიერება, თქვენი მშობელი ერის განათლება და ბედნიერება, მოსვენებას არ უნდა გაძღვედეთ თამარ დედოფლის აჩრდილი. თქვენც მის მსგავსად დღე და ღამე უნდა ასწორებდეთ სამშობლოს სამსახურისათვის, პირიდან ლუკმას უნდა იღებდეთ მოყვასთა საშელავათოდ, მტლედ და წამლად უნდა ედებოდეთ გაჭირვებულ თანამემამულეებს, თქვენი ღმობიერი საქციელით უნდა სპობდეთ ცხოვრებაში ფესვ გადგმულ ერთი მეორის მტრობას და სიძულვილს, თქვენ უნდა უმზადებდეთ სამშობლოს ნაკურთხ ნიადაგს შოთა და ჩახრუხაძეების

მსგავსი პირების წარმოსაშობად, მედგრად უნდა ებრძოდეთ ყველაფერს, რაც კი ხალხს აკავებს სიბნელეში და უმეცრებაში, ფასს უკარგავს ქვეყნის თვალში ქარაველის სახელს და ბოლოს ერთი წამითაც არ უნდა ურიგდებოდეთ თქვენი სამშობლოს ვისგანმე დაჩაგრას. ამას შეგაძლებინებთ, ამისი შესრულების სულს ჩაგბერავთ იგივე გულმხურვალეობა და გამსჭვალვა ქრისტეს პიროვნებისადმი მხურვალე სიყვარულით, რომლითაც აღჭურვილი იყო საქართველოს დედა უკვდავი თამარ მეფე. გწამდეთ: საქართველოს ბედი ქრისტეს მმოსავი თამარის მიმბაძვე დედათა ხელშია და არა ბებელის იდეალის ქალისაში.

დედაო თამარ, გაგვინათლე გონება და სცხოვრების გზა შენგან შეყვარებული ქრისტეს ნათელით! ამინ.

თამარის ქვეყანა.

დღეს ქართველი ხალხი იხსენებს იმ ქალის სახელს, რომელთანაც შეერთებულია მშვენიერება, კულტურა და ძლიერება საქართველოს წარსულისა.

იშვიათია ისტორიაში ისეთი მაგალითი, რომ საუკუნეთა განმავლობაში ვისმეს, და მეტადრე ქალს, ასე ხანგრძლივ შეენახოს სიჭაბუკე ხსენებისა.

ჯოჯოხეთზე ამბობენ—ავ სურვილებით არის სავსეო. საქართველო მარტო თამარით არის აღსავსე.

აქ სუყველაფერი თამარისაა!
 მაზედ ლაპარაკობენ ადამიანები, ქვები, მოგონებანი! ყველაფერს მისი სახელი ჰქვიათ: მთას, ველს, არხს, ეკლესიას, ციხეს. ქალებზედ აღარას ვიტყვი!

ხუთ ქართველ ქალში სამი—თამარია!
 მხოლოდ ერთი მამაკაცები არიან დასჯილნი, რომ თამარს არ არქმევენ.

— როდის სცხოვრობდა?
 ღმერთმა უწყის! „უწინარეს ყოველთა საუკუნეთა“. მაგრამ საუკუნეთა ამ წარსული-

დან იგი ისე გვიცქერის, როგორც და ჩვენის სიყვარულისა, როგორც ნათესავი ჩვენის სულისა!

- სად სცხოვრობდა?
- აი, აქ!
- ნუ თუ აქ, ამ ყინულიან სვანეთში?
- დიახ!
- ნუ თუ აქ -ხევსურეთში, ჯიხვებისა და არჩევების ქვეყანაში?
- დიახ!
- ამ კოშკში, ამ ციხე-დარბაზში?
- დიხ!

დარილის ხეობაში ფრიალო კლდეზე კოშკია. იქ სცხოვრობდა თამარ-მეფე! სად არ სცხოვრობდა!

საქართველო ქვეყანაა მაღალის მთებისა. ზოგიერთებზე არწივები თუ აფრინდებიან.

მაგრამ თამარი ყველგან აღიოდა, ყველგან ჩაღიოდა!

ჩვენი სოფლის ახლოს პატარა ტყე არის, პატარა გამოქვაბულით.

ადგილი უცნობია, არ იხსენიება ბატონიშვილი ვახუშტის გეოგრაფიაშიც კი.

ნამდვილათ კი ამ გამოქვაბულში თამარ დედოფალი სცხოვრობდა!

წავიდეთ!
 ვიტყვიო სოფლის პატარა ბავშვები. და დალილ დაქანცული გამოქვაბულთან ვბანკდებოდით.

ებრუნდებოდით ხახა მშარლი!
 — რასა ბრძანებთ, სად შეგვეძლო იმ გამოქვაბულში შესვლა, განა ჩვენ თამარ ოედოფლები ვიყავით!

რას აკეთებდა ქალი-საკვირველება?
 — ყველაფერს!
 დიღუბეში იქორწინა, სადაც რომ საყდარი არი!

მერე ზღვაში ჩაუშვა ხომალდი, ზედ აღმასები დაჰკიდა, შიგ ჩასხა ქართველთა ლაშქარი, მრავალს წყალობას დაჰპირდა!

დაამარცხა სულთანნი!
 დაამარცხა შაჰი!
 ააშენა, მაგრამ რა არ ააშენა!?

მან ააშენა ყველა ის ციხე დარბაზები, რომელ-
შიაც ის „სცხოვრობდა“.

ყველა ის ეკლესიები და მონასტრები, სა-
დაც ის „დამარხულია“;

გამოქვაბა ყველა ის გამოქვაბულები, სა-
დაც ის „აღიოდა“.

ბაზალეთში ოქროს აკვანი დასდგა და
მერე თავის ხალხთან ერთად იმდენი იტირა,
რომ ცრემლისაგან ტბა დადგა.

მან „უბძანა“ და შოთა რუსთაველმა
„ვეფხისტყაოსანი“ დასწერა!

ჩახრუხაძემ — ხოტბა დასწერა.

ბრძანა და „თამარის დროშა გაშალეს“.

ვინ არ იყო ამ დროშის ქვეშ?

მკლავით ძლიერი ქართლელი, კახი ფარ-
შუბით, თუში ხმლით. ფშავ ხევსურს შვენის
აბჯარი, გმირი იმერი-ზრდილობით, გურული,
მეგრი მკვირცხლობით!

და დასასრულს:

— ამდენი საქმის მომქმედმა ცხრა ადლი
ტილო წაიღო!

მოკვდა — მაგრამ სად? მთელ საქართვე-
ლოში!

როცა შოპენი მოკვდა სულ უკანასკნელი
ასი ქალი მაინც ამბობდა ევროპაში:

— აი, ზედ ამ მკლავზედ დალია სული
დიდებულმა ხელოვანმაო!

ჰკითხეთ ახლა — მაგრამ არა ქალებს — ჰკი-
თხეთ ეკლესიებს, მონასტრებს, ციხე-კოშკებს,
გამოქვაბულებს:

— სად მარხია ქალი — საკვირველება,
რომელსაც ჰქვიათ თამარ?

და ყველასაგან ერთს პასუხს მიიღებთ:

— აქ!

— სად?

— აი, აქ! ამ ეკლესიაში, ამ მონასტერ-
ში, ამ გამოქვაბულში! ყველგან!

რა ვრცელი სასაფლაოა, რა ვრცელი
აკალდამია!

ფარსმან ფარუხი.

თ ა მ ა რ ი ს დ ლ ე .

პირველი მაისი საქართველოში თამარის
დღეა, საქართველოს დიდებული დედოფლის
გახსენება დღესასწაულია ქართული კულტუ-
რისა და ეროვნულ შეგნებისა. თამარის დრო
იყო, რომ საქართველო გაერთიანდა, თამარის
დრო იყო, რომ საქართველო კულტურულად
აყვავდა. ამიტომ ჩვენ „ოქროს ეპოქას“ დი-
დი სიმბოლიური მნიშვნელობა აქვს, არასო-
დეს ძველ საქართველოში ძლიერება არ მისუ-
ლა იმ ხარისხამდე, განათლება იმ სიმაღლემდე,
ხელოვნება და ლიტერატურა იმ უმწვერვალე-
სობამდე, როგორც თამარ მეფის დროს. ეთ-
ნოგრაფიული საქართველო მუდამ არსებობდა,
მაგრამ ჩვენს ისტორიას ძალიან ნაკლებ ახ-
სოვს პოლიტიკური საქართველო. მხოლოდ
ამ ადამიანის დროს განმტკიცდა პოლიტიკური
საქართველო, აღარ იყო ქართლი და კახეთი,
გურია და სამეგრელო. იმერეთი და აფხაზე-
თი. იყო მარტოოდენ ერთი ქართველი ერი,
ერთი პოლიტიკურის წესწყობილებით, ერთი
სახელმწიფო და კულტურულ ეროვნულ მიზ-
ნებით. ქართული ხალხის ხანგრძლივ ისტო-
რიულ ცხოვრებაში სწორედ ეს ხანა იყო
ყველაზედ უძვირფასესი.

რა მნიშვნელობა უნდა ჰქონდეს თანა-
მედროვე ქართველობისთვის ამ ეპოქის ხსენე-
ბას? რაღას გვეტყვიან ჩვენ ახლა ისინი, რო-
მელთა სახეც უკვე საუკუნოებმა დაჩრდილეს,
რომელთა საქმეც მკვდარია? რა აქვს საერთო
თანამედროვე საქართველოს მეთორმეტე საუ-
კუნის საქართველოსთან, საქართველოსთან
მეფეებისა და დიდებულ დედოფლისა, როცა
აზრთა ქროლა ეხლა სხვანაირია, როცა ქვე-
ყანა გადემოკრატიულდა და როცა საქართვე-
ლოს წარსულიდან ყველაფრის გახსენება შვი-
ძლება, მაგრამ არა იმისა, რაც უფრო მეტად
ახსიათებდა მას, რაც იყო მუდამ ემბლემა
მის თვით-არსებობისა! ასეთი მოგონების შესა-
ძლებლობა არ არსებობს. ჩვენ იგი ან უკვე
გავიარეთ სამუდამოთ, ან ჯერ არ მივსულ-
ვართ მის შეგნებამდე. მაგრამ, მიუხედავად

ამისა, დღევანდელ დღეს ჩვენ კვლავ ვიგონებთ იმ დროს, რომელიც ჩვენგან შეიდასი წლით არის დაშორებული და ეს ჩვენს უნებურად ხდება. ამას ჩადის კულტურა, მთელი ქართული კულტურა! ეს კულტურა რომ არ ყოფილიყო, საზოგადოთ, არ იქნებოდა კავშირი საუკუნეთა შორის. მაგრამ მან ისეთის ჯაჭვებით შებოჭა ისინი, ისეთნაირად გადააბა ერთმანეთს, რომ ახლა, როცა ჩვენ, თანამედროვეთ ამ საუკუნეთა ჯაჭვის უკანასკნელი რგოლი გვიჭირავს ხელში, ინსტიტუტურად ვგრძნობთ, სად არის ყველაზე უფრო მტკიცე, მაგარი რგოლი ამ ჯაჭვისა.

თამარის ხანა სწორედ ეს მტკიცე და მაგარი რგოლია ქართული კულტურის ჯაჭვისა. აი რათა ვართ მოვალენი გავიხსენოთ დღეს დიდებული ქართველი ქალი თამარი, რომელიც ბელმა მეფედ გახადა, ეკლესიამ წმინდანად და ხალხმა უკვდავად!

გაზ. „იმერეთი“

მ. თამარ მეფის დღესასწაული თფილისში.

1 მაისს დიდუბის ეკლესიამ, სადაც ასვენია წმ. თამარ მეფის ძვირფასი ხატი, დიდის ამბით გადაიხადა წმ. თამარის დღესასწაული. წინა დღითვე ეკლესიას აუარებელი ხალხი მიიწყდა და ლოცვის შემდეგ კიდევ დიდხანს დარჩა ეკლესიის გაღვანში. იყვნენ ღამის მთველნიც. შულამემდე არ შეწყვეტილა სხვადასხვა სიმღერა: „წაიყვანეს თამარ ქალი“, „ქართველო, ხელი ხმალს იკარ“ და სხვა. თვით დღესასწაულის დღეს, ეკლესიაში ქართული სამღვდელმთავარო წირვა იყო საქართველოს ეგზარხოსის ალექსის განკარგულებით, რომელმაც ამ დღისთვის დანიშნული სასინოდო კანტორის კრება სხვა დროისთვის გადასდო და წირვის შესასრულებლად ეკლესიაში გამოჰგზავნა გორის ეპისკოპოსი ანტონი. წირვა დაიწყო დიდის 10 ს. მწირველი იყო გორის ეპისკოპოსი ანტონი ქალაქის ქართველ სამღვდელოების თანამწირველობით, შუადღის 12 საათზე ყოვლად სამღვდე-

ლო ანტონიმ პარაკლისი გადიხადა. წირვის დროს, „განიცადებზე“ დიდუბის ეკლესიის წინამძღვარმა დეკანოზმა ი. მირიანაშვილმა შესაფერი სიტყვა წარმოსთქვა. წირვის შემდეგ ყოვლად სამღვდელო ანტონიმ ხალხს მხურვალე სიტყვით მიმართა და საქართველოს ეგზარხოსის ალექსის სახელით (ეგზარხოსის დავალებით) მიულოცა ეს ბედნიერი დღე. როგორც წინა დღით, ლოცვაზე ისე წირვასა და პარაკლისზე, გალობდა ფილარმონიულ საზოგადოების ხორო ზ. ჩხიკვაძის ლოტბარობით. აუარებელი ხალხი ნაშუადღევს 4 საათამდე არ დაშლილა და ამ ხნის განმავლობაში დაუსრულებლად გაისმოდა მშვენიერი ქართული სიმღერები.

„სახ. ვახუთი“

ქართული პრესა და სამღვდელოება.

გაზ. „იმერეთის“ მარტის ერთ ნომერში ბ. „Pater loci“ სამღვდელოების უკანასკნელ კრებას უწუნებს მსჯელობას, რომ ერისკაცებიც მონაწილეობას ღებულობდნენ სასულიერო სასწავლებლის საოჯახო ხარჯებში, რომელიც დღეს ეთხოვება სამღვდელოებს. ბ. Pater loci-ის აზრით რადგან სასულიერო სასწავლებლის შენახვა (მასწავლებლების ჯამაგირი და ისიც სანახევროთ) ხაზინამ იტვირთა და სამღვდელოებს მხოლოდ სასწავლებლის შენობის შენახვა და ზოგიერთი წვრილი ხარჯი ევალება, ამიტომ საერო წოდების ბავშვებს აღარ უნდა დაედოს გადასახადი მით უმეტეს, რომ სანთლის შემოსავალი, რომელსაც ხალხი ასაღებს, სამღვდელოების ხელშიაო. ასეთ მსჯელობაში ნაკლებათ არის სადი ლოგიკური შეხედულება საქმეზე. ბ. Pater loci-ის ანგარიშს რომ გავყვეთ სამღვდელოება ვალდებულია საერო წოდებას თავის ხარჯით ასწავლოს, რადგან უმთავრესი წყარო ცხოვრების ხალხისგან ეძლევა; მთავრობამაც უნდა მოსპოს თავის შკოლებში ყოველგვარი გადასახადი, რადგან მისი შემოსავლის წყაროც ხალხია, ე. ი. ჩვენ ყველა. მართალია, სამღვდელოება, როგორც ასეთი, ზნეობრივად ვალდებულია სხვაზე უფრო

მეტი გულკეთილობა გამოიჩინოს, მაგრამ ესეც ხომ საშვალეობაზე ჰკიდია. ჩვენის აზრით სამღვდლოება შეძლებისადაგვარად დღემდისაც დიდ გულკეთილობას იჩენდა საერო წოდების შვილებისადმი, რადგან სამი-ოთხი თუმნით ნაკლებს ახდევინებდა და ახდევინებს, ვინც საერო სასწავლებლებში. ქალების გემნაზიაში 8--10 თუმანია გადასახადი, ჩვენ ეპარქიალურ სასწავლებელში კი 4--5; ვაჟების გემნაზიაში ამდენივე გადასახადია სას. სასწ. კი მხოლოდ 4 თუმანია იყო დღემდის.

რაც შეეხება სანთლის შემოსავალს, სამღვდლოებას აქედან კაპეიკი არ გააქვს თავის საკუთრებათ და მთელი შემოსავალი საეპარქიო და სასულიერო სასწავლებლების საჭიროებას ხმარდება, და თუ ეს შემოსავალი ქვეყნის ააშენებს, ეკივი არა გვაქვს, სამღვდლოება დიდის სიამოვნებით და სიხარულითაც დაუთმობს მას ქვეყანას. მაგრამ მაგარიც ის არის, რომ სანთლის შემოსავალი ვერ აკმაყოფილებს სასწავლებლებს და ამიტომაც სამღვდლოებას მოსთხოვეს თქვენი ჯიბიდან ამოიღეთ და ისე დაფარეთ საჭირო ხარჯებიო. სინოდის გადაწყვეტლებაც, ყოვლად შეუწყნარებელია, რადგან ხარჯი მართო სამღვდლოებისათვის დაუვალეობია. ვკითხავთ ბატ. Pater loci-ის საღ მსჯელობას, რა არის დასაწუნარი სამღვდლოების კრების მსჯელობაში? განა კანონიერი არ არის, რომ საერო წოდებაც შემოგვიდგეს საჭირო ხარჯებში? განა სამღვდლოების ტყავზე, მის ცალიერ ჯიბაზე არ კმარა ის, რაც ჰქნა? გააშენა ორი ვეებერთელა სასწავლებელი და ერთი მათგანი უზრუნველყო სამოციანთისთან თანხით? რომელმა წოდებამ შექმნა ასეთი დაწესებულებები ჩვენში, გვითხარით? სამღვდლოება დღეს დაბალ დონეზე შეიქმნა და ყოველი კაცი თავზე ახტება; იგი დღეს ის ავანტიურა ლომია, რომელსაც ყოველი დიდურო ტლინკავს და ამაყობს: „ერთი წიხლი მეც მივაყოლე ამ ცხოველების მეფესო.“ ასე მოსდის ბ. Pater loci-საც. მაინც დამაინც მასაც სურს ერთი წიხლი მივაყოლოს საცოდავ სამღვდლოებას, რომელსაც არაფერს აძლევენ და ბევრს კი სთხოვენ.

მეორე წიხლს ბ. მ. ფარცხნაღელი ურტყამს სამღვდლოების იმავე გაზეთის № 21-ში. ურტყამს, მაგრამ არა როგორც ავანტიურა ლომს, არამედ როგორც მუხის ძირში მწოლარე ცხოველს, ე. ი მდაბიოთ რომ ესტკვათ, ღორს. ბ. ფარცხნაღელი შენიშნავს, რომ სამღვდლოება ნაკლებათ აქცევს ყურადღებას ხალხის გათვითცნობიერებას და სამშობლოსადმი სიყვარულის განმტკიცებას და ეს იმით მოსდის მას, რომ გონებრივი შრომა ეზარებაო. მწარე სიმართლეს მოგვითხრობს ბ. ფარცხნაღელი. მაგრამ ესეც უნდა ესტკვათ, რაც არ დაგვითვისია, რა უნდა მოვიპოოთ? ვარდი ვინ ნახა ნარზე? დღევანდელი სამღვდლოება სულით დაცემული ხალხის შეილია, იმ ხალხის, რომელიც ერთ მთლიანს არ წარმოადგენს თავის მისწრაფების ინტერესებით, იმ ხალხის, რომლის შვილები ამ სოციალიზმის ქადაგების ხანაში უფრო და უფრო მიძვრებიან თავის ტყავში, თავის ზირად ცხოვრებაში. არავითარი საერთო საქმე არ აკავშირებს დღეს არც ინტელიგენტს და არც მასსას; თუ ხანდინან ვხვდებით საერთო აზრით შეფაფულ ჯგუფებს, ეს მხოლოდ წუთიერი მოვლენაა, რომელიც ხვალ ათას სხვადასხვა სახეს მიიღებს და უმნიშვნელოთ გაითქვიფება უსაზღვრო სივრცეში. დღევანდელი აზროვნება და მიმართულება კალიდეკოპიით ცვალებადია. ეროვნული იდეალებით გამსქვალულ პირებს არათუ სამღვდლოებაში, ინტელიგენციაშიდაც ძალიან მცირეს ვხვდავთ. ამის ცხადი დამამტკიცებელი საბუთი ის გახლავსთ, რომ დღეს ჩვენში არ არსებობს არც ერთი სპეციალურად ეროვნული გამოცემა. არსებულ გამოცემებში თვით უკიდურესი ნაციონალისტებიც კი რალაც მორცხობენ ეროვნულ საკითხებში, თითქო ვიდაცას ერიდებიან, ეხატებიან, მაშინ როდესაც უცხო ერებში ასეთ მორიდებას, მოხატრებას ვერ ვამჩნევთ, წინააღმდეგ მათ შოვინისტობისაც კი არ სცხენიათ. ამიტომ, ჩვენი აზრით, ურიგო არ იქნებოდა, რომ ბ. ფარცხნაღელს ერთი წიხლი ჩვენი ბაქია ინტელიგენციისთვისაც მიეხვია.

ღია წერილი სამღვდლოფიხისადმი.

წ. თამარ მეფის ხსოვნის აღნიშვნის გამო. ქართველთა მიძინებულმა ეროვნულ-მა გრძნობამ გაიღვიძა და მეხსიერების სამფლობელოდან მკვდრეთით აღადგინა ძველ მეფეთა, სარდალთა და საზოგადო მოღვაწეთა ნათელი სახე. სარწმუნოების და ზნეობის მხარეში მოღვაწენიც კი ეროვნულ სათაყვანებელ გმირებად გადაიქცენ. ასეთ გრძნობათა აღორძინების დროს, როგორც მოსალოდნელი იყო, პირველი ადგილი დაიჭირა მოჩვენება ქალის, მზეთა-მზის თამარ მეფის ნათელმა პიროვნებამ. თუმცა ხსოვნა ამ ზნეობის და სარწმუნოების მაგალით ქალისა არასოდეს არ დაუვიწყრია ქართულ ეკლესიას, მაგრამ სამღვდლოება, როგორც პირწავარდნილი შვილი თავის ეროვნებისა, დღემდის არაფრით არ განასხვავებდა ამ ხსოვნას და პირველი მანისი ისეთივე მივიწყებული ქონდა მას, როგორც საერო წოდებას. დღეიდგან ხალხის, და თვით ჩვენმა, გაღვიძებულმა ეროვნულმა გრძნობამ უნდა გვაიძულოს შესაფერი პატივისცემით განვასხვავოთ ეს დღე, როგორც ჩვენი ეროვნულ-სარწმუნოებრივი დღესასწაული. შესაფერი წირვა-ლოცვა, შესაფერი მოძღვრება-დარიგება, სამრევლოებში თამარის სახელობაზე სხვა და სხვა სამკითხველოებისა და საქველმოქმედო დაწესებულებების დაარსება—აი რაში უნდა გამოიხატოს ჩვენი უღრმესი პატივისცემა თამარისადმი, რომელმაც ჯერ ქვეყნად გვადიდა და შემდეგ ზეცას ღვთის წინაშე მეოხად გავვიხდა.

მგონი მოვტყუებით!

ჩვენი გამოცემის მეორე ნომერში მოვათავსეთ ბ. იმერლის წერილი, რომელშიაც დიდათ ნაქებაია მათხოჯის მონასტრის მოძღვარი მ. დავით ჯინჭარაძე. სხვათა შორის ბ. იმერელი სწერს: „ბევრჯერ გამოვლაპარაკებია მონაზვნებს, მსურდა გამეგო, თუ რამდენათ ღრმა და შეგნებული სარწმუნოებისანი იყვნენ და ყოველთვის გავკვირებულვარ მათი პასუხებით. ყველა ამაში, რასაკვირველია, მადლობის ღირსია პატივცემული მღ. მ. დ. ჯინჭარაძე, რომელმაც ასე გაწვრთვნა ისინი.“ თუ ეს ქებათა ქება მართალია, რას ნიშნავს მოლაზვნების ფერულმარული და შანტეკლერის კაბები, რაზედაც ლაღადებს გაზ. აზრის კორესპონდენტი ბ. სილ. რ. ლორთქიფანიძე და თუ ბ. ლორთქიფანიძის ლაღდება ტყუილია, რათ სდუმს მ. ჯინჭარაშვილი? რათ არ ესარჩლება თავის სულიერ შვილებს? რათ არ იცავს მონასტრის ავტორიტეტს? გვაკვირვებს მისი სიჩუმე და მზადა ვართ შევინანოთ და საზოგადოების წინაშე ბოდიში მოვიხადოთ მოტყუებისათვის. მაგრამ ჯერ კიდევ იმედს არ ვკარგავთ, რომ მ. ჯინჭარაძე ბოლოს ამოიღებს ხმას და დაიცავს მონასტრის სახელს.

თავისი მხრით რედაქცია პასუხს გაცემს ცრუ კორესპონდენტს შემდეგ ნომერში. რედ.

კანონი აწესებობისა არის შრომა. რაზედაც დამოკიდებულია როგორც კერძო ადამიანთა, ისე სასოკადოების კეთილდღეობა.

(სამაილსი, ბეკონი, სმიტი)

ადვილათ შეიძლება ამ წერილის სათაურის წაკითხვისათანავე ზოგიერთ მკითხველს თავში გაუელვოს კითხვამ: ნუ თუ ჩვენი მკვირცხლი ქართველი ხალხი საჭიროებს შრომის მნიშვნელობის ახსნა-განმარტებას და შრომაზე წაქეზებას? მე ასეთ კითხვაზე უნდა მიუგო: დიალ, ჩვენ ხალხს არც შრომის მნიშვნელობა აქვს ჯეროვნად შეგნებული და არც შრომისმოყვარეობა შესისხლხორცებული, თორემ ის არც ასე გადატაკებული იქნებოდა. რომ ჩვენი ხა-

ლხი შრომის მოყვარე არ არის და მისი სილატაკის მიზეზი მისივე სიზარმაცე და სხვა ბევრი მანვე ჩვეულებებია, ეს დაამტკიცა ამას წინეთ ბატონმა ტ. ჯაფარიძემ ვაზ. „კოლხიდაში“ მოთავსებულ ფელეტონებში. თუმცა ჩვენი ხალხი ასე თუ ისე შრომობს და, როგორც რუსულათ ითქმის, მიათრევს თავის საბარლო არსებობას, მაგრამ ამ ხალხში, როგორც სკაში ონაიარი ფუტკარი, ისე გამრავლებული უქმათ მოხეტიალე ადამიანები, თუ შეიძლება ადამიანები ვუწოდოთ მათ. მე ასეთი ვიყავი ბატონები მყავს სახეში და ამ წერილს რომელიც დაფუძნებულია სხვადასხვა გამოჩენილ პირთა აზრზე, მათ მიუძღვნა.

შრომა კანონია არსებობისა, ის უპირველესი საშვალეებაა გონებრივით და ქონებრივით გაღონიერებისა-ამბობს სმაილსი. უმეტესობისათვის მიუცილებელი და საარსებო საქმე უბრალო ხელით მუშაობა არის, მაგრამ როგორც უნდა იყოს შრომა, ის ყველასთვის სავალდებულოა, ვისაც უნდა ცხოვრებაში ნანდვილი სიამოვნება ნახოს. შრომა შეიძლება საძნელოთ და სასჯელათაც მოგვეჩვენოს, მაგრამ სიამოვნებით ის შეგვეჩვენოს სახსარს არსებობისას და მოგვიბოვებს საზოგადოებაში პატივს. უშრომლათ არაფერი არ კეთდება. როგორც კერძო ადამიანთა კეთილწარმატება, ისე საზოგადოების ნივთიერ-გონებრივით გაღონიერებაც ნაყოფია შრომისა. რომ რითიმე შეიძლებოდეს ერთბაშით შრომის მოსპობა, ამბობს ერთი მეცნიერი მას მიუცილებლათ თან მოყვება ჯერ ზნეობრივი სიკვდილი და მერე მთლათ გადაშენება კაცთა ნათესავისა. უქმათ ყოფნა დიდი უბედურებაა ადამიანისათვის, რადგან ის ისე აფუჭებს და ღრღნის კაცის გულს, როგორც ჭანგი რკინას. ძველი რომის ერთმა მეფემ სიკვდილის წინ ანდერძათ დაუღვა თავის ჯარის კაცებს, ჩვენ უნდა ვშრომობდეთ“. მართლაც არაფერს ისე ხელი არ შეუწყვიტა რომის იმპერიის გაძლიერებისა და იქაურ ჯარის უფროსთა სხელის მოხვეჭისათვის, როგორც მათსავე მუდმივს და დაუზარელ შრომას. იქაცის ბუნებაში არც კი უნდა იყოს მე-

ორე ისეთი დამღუპველი მიდრეკილება, ამბობს ბეკონი, როგორც სიზარმაცე და ამიტომ მასთან ენერგიულათ შებრძოლებათა საჭიროა“. „სიზარმაცე, სმაილსის სიტყვით, დამღუპველი და დამამკირებელია, როგორც კერძო პირებისა, ისე საზოგადოებისათვის. სიზარმაცეს არასოდეს არაფერი გაუკეთებია და ვერც გააკეთებს; მას ყოველთვის თან დასდევს უიღბლობა და საქმეში გაუმარჯვებლობა. ზარმაცები ყველასთვის უსარგებლონი, უბედურნი და უკმაყოფილონი არიან“. „ქვეშარიტი ნეტარებაო — ამბობს ბეკონი — ნიჭთა დაჩლუნგებაში კი არა, მათ მოქმედობასა და კეთილათ მოხმარებაში მდგომარეობს“. კაცს ქენჯნის და აფუჭებს უმოქმედობა და არა შრომა, რომლისაგანაც წარმომდინარეობს სიცოცხლე, სიმართლე, ბედნიერება და კმაყოფილება. იმ ამიტომ გონიერი მკურნალები ხშირათ შრომას თვლიან საუკეთესო სამკურნალო საშვალეებათ. საუბედურათ, ზარმაცს ბევრი თავის გასამართლებელი საბუთი აქვს; კაცი ზარმაცი, თუმცა შრომას უგულოთ კიღია, სიამოვნებით დახელოვნებული სოფისტია თავის სიზარმაცის გამართლებაში. მას ვერ შეუვნია, რომ უშრომლათ სხვისი ნაოფლარის ქამა ნიშანია ხასიათის სისუსტისა და უპატიონებისა. შრომა წინ უნდა უძლოდეს მოსვენებას და უკანვე უნდა მიყვებოდეს მას. იმ მოსვენებას, რომელსაც წინ შრომა არ მიუძღოდა, არ შეუძლია აგრძობინოს სიამოვნება ნანდვილ ადამიანს. ცხოვრება ჯოჯოხეთათ უნდა მოგვიჩვენოს ზარმაცს, რომელსაც გასაკეთებელი საქმე ბევრი აქვს და არაფერს არ აკეთებს. სადღაც ამომიკითხავს, ერთმა სიზარმაცისაგან წამხდარმა მათხოვარმა, რომელიც ძლიერ გვიან გონს მოვიდა, მარჯვენა ხელზე ამოიჭრა სიტყვები: „წასრულში მოგტყუედი, აწმყო მტანჯავს და მომავალი შემადრწუნებს“. ეს სიტყვები კშმარით ხსოვნადამ განუშორებელი უნდა ქონდეს ყოველ ზარმაც კაცს. შრომა სავალდებულოა ყოველი წოდებისა და მდგომარეობის ადამიანისათვის. ბუნებით კეთილშობილსა და გონებით განათლებულ ადამიანს, რაც უნდა მდი-

დარი იყოს, არ შეუძლია კმაყოფილი იქნეს მარტო ჩაცმა დახურვით სმა-ქამით და საზოგადოთ სხვისი ნაშრომით სარგებლობით, თუ სამაგიერო არ მიუზღო რითიმე იმავე მარჩენელ საზოგადოებას. პატიოსანსა და მაღალი ზნეობის პიროვნებას წარმოდგენაც კი აღაშფოთებს იმისი, რომის ღონისში მონაწილეობის მისაღებათ სხვებთან ერთად მზა სუფრას მიუჯდეს და ბოლოს არჩენათ გზას გაუდგეს ხვედრი ფულის გადაუხდელათ. თუმცა მაღალი სულისა და იწრო შეხედულების პირები სრულებით არ ირცხვიან და ძლიერ კმაყოფილნიც არიან სხვისი ნაოფლარის შექცევით, სამაგიეროთ კეთილშობილური ხასიათის პატრონები მუდამ გრძობენ ასეთი მდგომარეობის უკანონობას უპატიოსნებას სულ უბრალო მოსაზრებითაც კი, როგორცაა მარტო პირადი სიამოვნება, შრომა მიუცილებელია, რადგან, ვინც არ შრომობს, მას არ შეუძლია და არც უფლება აქვს შრომის ნაყოფით დატკბეს. აზრის არ შეუძლია სიზარმაცე გაამართლოს იმით, რომ ის სხეულის მომქანცველია, რადგან გონიერი შრომისაგან უფრო ბევრი მსხვერპლი სიზარმაცეს, უგუნურებას და თავაშვებულებას ეწირება. შრომის მსხვერპლი კაცი ძლიერ იშვიათად ხდება და ისიც შრომასა და დასვენების შორის დროს განაწილებს და უბრალო ჰგიენური პირობების უკოდინარობისა გამო. ადამიანის სიცოცხლის გასაზომათ გავლალ წელთა რაოდენობა კი არა, მისგან ნაშრომთა და ნაგრძნობთა რაოდენობაა მისაღები. ზარმაცი და მუქთახორა კაცი, რაც უნდა ხანგრძლივი იყოს მისი უსარგებლო არსებობა, ცოცხლათ კი არა, ცოცხლათ მკვდრათ არის მისაჩნევი. ხალისი მუდმივისა და სასარგებლო შრომისადმი ერთნაირათ სასარგებლოა, მიუცილებელი პირობაა როგორც მამაკაცთა, ისე დედაკაცთა ბედნიერებისა და კეთილდღეობისათვის. რაშოდენათაც გონიერი შრომა სასარგებლო და სასიძრთელოა ადამიანისათვის, იმოდენათ უქმათ ყოფნა სხეულის მომადუნებელი და ყოველნაირათ დამლუპველი არის. სულ უბრალო, ესრედ წოდებული შავი მუშაობაც ათას წი-

ლათ საქმეური, კეთილშობილური და სასარგებლოა უქმათ ყოფნაზე. ზოგიერთ სუსტი გონების პატრონს ფიზიკური შრომა სათაკილოდაც მიაჩნია და სრულებით ვერ გრძობს, რომ კაცი შრომის მოყვარე, რომელიც არა თუ სხვის ხელში შემჩერეა, თავის თავსა და ოჯახს არჩენს, ისეთივე პატივსცემის ღირსია, როგორისაც ვინმე ცნობილი საზოგადო მოღვაწე. არც ერთი დიდი და მკვიდრი საქმე სულის წაბერვით არ გაკეთებულა; გენიოსთა საუკეთესო ნაწარმოებნი ნაყოფია კეთილშობილური შრომისა და მოთმინებისა. ქვეყნის ბედს განაგებენ მშრომელი ადამიანები და ისტორიიდანაც ვიცით, რომ არც ერთი შესანიშნავი მოღვაწე ზარმაცი არ ყოფილა. უმეტესი ნაწილი მწერლობის საუკეთესო ნაწარმოებთა შექმნილია შრომის მოყვარე ადამიანებისაგან. შრომის მოყვარე პირისათვის აუტანელი სასჯელი უქმათ ყოფნაა და თუ ასეთი ადამიანი რაიმე შემთხვევით მისგან არჩეულ საქმეს ჩამოშორდა, ის მალე სხვა საქმეს კიდებს ხელს. შეგნებული ადემიანისათვის საჭიროა შერჩეული შრომა, ესე იგი ფიზიკურ შრომას თან უნდა მოსდევდეს გონებრივი, რომელსაც დაღლილი სხეული ისე მიიღებს, როგორც დასვენებას. გონიერული და შერჩეული შრომა სასარგებლოა როგორც სხეულისათვის, ისე სულისათვისაც. უქმათ ყოფნა, მარტო სმა ქამა და ძილი, ბევრათ უფრო მავნებელია ყოველნაირ შრომაზე. გზა შრომისა არის გზა კეთილწარმატებისაკენ მიმართული და რაც მეტი სიმედგრით მიდის ამ გზაზე ადამიანი, მით უფრო გამარჯვებულია ის ცხოვრებაში. ამბობენო—სთქვა სმიტმა—ბედი ბრმა არისო, მაგრამ ბრმები ვართ თითონ ჩვენ. საკმაოა ცხოვრების მკირე დაკვირვებაც იმის შესანიშნავათ, რომ ბედნიერება ხვედრია ყოველთვის შრომისმოყვიარისა. საქმეში გამარჯვება აუცილებელი შედეგია პატიოსანი შრომისა და ამისათვის მაინცდამაინც კაცის არაჩვეულებრივი თვისებები კი არა, მარტო ორი რამ არის საჭირო: კეთილგონიერება და დაუზარელი შრომა. ბევრი შესანიშნავი ნიჭის პატრონები გამარჯვების მიზეზათ თავის ნიჭს კი არა, შრომისმოყვიარებას, მოთმინებას და კე-

თილგონიერებას თვლიდნენ. ზოგი იმასაც ამბობდა, რომ გენიოსობა არაფერი არ არის გარდა გაძლიერებულათ აზროვნებისა და მოთმინებით შრომის ნიჭისა. ნიუტონი მეცნიერებაში სახელოვანი შეიქმნა განუწყვეტელი შრომის მეოხებით. იმისი დასვენება მხოლოდ სამაქალაქო საგნის შერჩევა იყო.

ამაირათ, ვისაც არ უნდა, რომ ქვეყნის ბარგათ გახდეს და ნამდვილ ადამიანთა გუნდს გამოეთიშოს, ვისაც ახსოვს ადამიანური თავმოყვარეობა და სარგებლობა ოჯახობისა და საზოგადოებისა, მან ცხოვრების მიზნათ უნდა გაიხადოს მუდმივი პატიოსანი და აზრიანი შრომა, როგორც ფიზიკური, ისე შეძლებისამებრ გონებრივიც. ყოველ ნამდვილ ადამიანათ ყოფნის მსურველს უნდა ახსოვდეს, რომ სიზარმავე, უქმათ დროს ტარება, დამღუპველია კერძო ადამიანის, დამამხოველია ოჯახის და შემარცხენელი არა თუ მარტო პატიოსან ადამიანებთან, თვით უფალთან, რომელმაც პირველსავე კაცს ვალათ დაუდო „ოფლითა შენითა მოიპოვე პურა შენი“.

მუშაკი.

ორ კვირაში.

მეფის მოადგილე გრაფი ი. ი. ვორონცოვ-დაშკოვი 7 მაისს ნაშუადღევს 5 საათზე, საგანგებო მატარებლით ყირიმს გაემგზავრა.

მცხეთის ტაძარი. დიდი მთავარი კონსტანტინე კონსტანტინეს ძე ყოფილა საქართველოს ეგზარხოსთან, საეკლესიო საკითხების გამო უბაასნია და განუცხადებია, ხელმწიფე იმპერატორს ძალიან აინტერესებს საქართველოს დიდებულნი სიძველენი, რომელნიც ივერიის ეკლესიის ისტორიულ ბედს მოგვაგონებენ და ეხლა კი უმწურო მდგომარეობაში არიანო. ეგზარხოსს სწორედ ამ დროს მიუღია უწმინდესი სინოდის ბრძანება მცხეთის ტაძრის რესტავრაციის შესახებ. დიდ მთავარს კონსტანტინე კონსტანტინეს ძეს გადაუცია ეგზარხოსისთვის კანცელი, რომელიც კნენა ტატიანა

კონსტანტინეს ასულს და თავად კონსტანტინე ბაგრატიონ—მუხრანსკის თავიანთი შეილის, თეიმურაზის დაბადების გამო მცხეთის ტაძრისთვის შეუწირავს.

გურია სამეგრელოს ეპისკოპოსს ყოველად სამღვდელო ლეონიდს ებოძა ანნას ორდენი პირველი ხარისხისა.

გორის ეპისკოპოსს ანტონს წმ. ვლადიმირის ორდენი მესამე ხარისხისა.

სიონის საკათედრო ტაძრის გალავნის გაფართოვება კარგა ხანია განზრახული იყო, მაგრამ ამ საქმის განხორციელება დღემდე ვერ მოხერხდა უმთავრესად ნივთიერ ხელმოკლეობის გამო. ამ ეამად ეს საქმე დეკანოზ ტყემალაძის თაოსნობით სასურველ კალაპოტში ჩაღდა. ტაძრის კრებულმა უკვე შეიძინა 12,000 მანეთად პოლკოვნიკი ქართველი შვილისაგან მიწა თვის მალაზიებით. ამას გარდა ტაძარს უსასყიდლოდ დაუთმო მთავრობამ გვერდით მდებარე სახაზინო მიწა. ტაძრის გალავნის გაფართოვება და გამშვენიერება მოკლე ხანშია განზრახული. ამ ფრიად კეთილ საქმის დასამთავრებლად განსვენებულ ქველმოქმედის ქვრივმა ე. ი. სარაჯიშვილისამ 500 მან. გადასდო, ხოლო კნენა ალ. მაკ. ასულმა ჯამბაკურ-ორბელიანსამ 100 მან. იმედია ქართველი საზოგადოება ამავე მიზნისთვის თვის წვლილს არ დაიშურებს, რადგანაც თვით ტაძარს არ მოეპოვება ნივთიერა ღონისძიება დაწყებულ საქმის დასამთავრებლად.

მის მეუფებას ებ გიორგის განკარგულე ბა მოუხდენია კვლავ მონასტრის ადგილების და თანხების შემოსავლიდან წინამძღვარს და ძმებს ნაწილი აღარ დაეღვას, არამედ მთელი შემოსავალი მონასტრის შენობების შეკეთებას და სხვა საჭიროებას მოხმარდესო.

იმერეთის სამღვდელთა 55 კრების კერძო მოხსენებამ დიდი კამათი გამოიწვია ადგილობრივ ჟურნალ გაზეთებში. ქვეშარტ

რუსთა ორგანო „Голосъ Кавказа“ გმობს ამ მოხსენებას და უწოდებს მას „возмутительная по формѣ и содержанию.“ ამისპასუხად ვაზ. „зак. рѣчь“-ს მთელი მოხსენება გადაუბეჭდია 10 მაისის ნომერში.

ბრილიან ტიქს იოსებ გვეტაძეს ვიდაც თავადი შეილისაგან შეუძენია ნაწილებიანი ქართული ხელობის ოქროს ხატი. ხატი წარმოადგენს მინიატურულ სახარების ბუდეს, თუმცა სახარება შიგ აღარ არის. სიგრძე სიგანით ეს ბუდე ოთხი გოჯი იქნება, ხოლო სიმაღლით ერთ გოჯ ნახევარი, ან ცოტა მეტი; ერთ გვერდზე გამოყვანილია ღვთის მშობელი ყრმით, ხოლო მეორეზე ჯვარცმა. ბუდე ორივე მხრით იღვება. ერთ მხარეზე მხოლოდ ნაწილებია ჩასვენებული პატარ პატარა უჯრებში, რომლებსაც ზომაზე გამოჭრილი ქაღალდები აფენიათ თავზე ზეწარწერით, თუ რომელი წმიდანის ნაწილია ამათუიმ უჯრში ჩასვენებული, მაგ. წ. სტეფანე პირველი იმამისა, ეგნატე ღმრთშემოსილისა, წ. გიორგისა, წ. ბარბარესი და სხვა. მეორე მხარეზე ჩასვენებული ყოფილა მინიატურული სახარება, ხოლო სახარების ქვეშ ისევ ნაწილები, რასაც ცარიელი უჯრები გვაჩვენებს. ეს ძვირფასი განძი თურმე ხშირათ ყოფილა დაგირავებული ურიებთან და იმავე ურიებს უნდა შეერჩინათ, რა თქმა უნდა, მუქთად. მაღლობა ღმერთს, ღღეს იგი ქრისტიან ქართველის ხელშია, რომელიც ნებას არ მისცემს თავს უმართებულად მოეპყრას ამ სიწმიდეს და ან სამშობლო მხარეს დაუკარგოს იგი, როგორც სიძველე. ბევრი ესინჯეთ, მაგრამ ხატს ვერაერთარი წარსწერა ვერ ვუპოვეთ. საინტერესოა ვიცოდეთ, რა მოუვიდა იმ მინიატურულ სახარებას, რომლის ბუდეს წარმოადგენს სხენებული ხატი?

შანტაყის ტებმა კიდევ იჩინეს თავი ქუთაისში
ხუთშაბათსთს, 8 მაისს, საღამოს 9 საათზე,

ბოროტგამზარხველებმა ვაიტაცეს შემღებული ებრაელი ვაჭრის არონ რიყინაშვილის ვაჭი, რომელიც წელს ათავებდა რეალურ სასწავლებელს. რიყინაშვილი სასწავლებელში ყოფილა და საღამოს 9 საათზედ გაუთავებია ეგზამენი. გამოსულა თუ არა, კიშკართან დახვედრია ორა ბოროტგამზარხველი ეტლით, ყმაწვილი ჩაუსვამთ და ეტლი ბალახეანის ქუჩით გაუქანებიათ. ეს ამბავი მყის მოედვა ქალმქს, ამოძრავდა მთელი პოლიცია, მოედენენ ყველა ქუჩებს, მაგრამ ჯერჯერობით დამნაშავეთა კვალი ვერ მიაგნეს.

წერილი რედაქციის მიმართ.

რედაქციამ მიიღო დებუტატ მღ. ს. ხარაძისაგან შემდეგი შინაარსის წერილი: „გიგნაწვით ამასთანავე ორ მანეთს და გთხოვთ გაზეთი გვეგზავნოთ ამ წლის განმავლობაში დანარჩენისაც ძალს გაახლეოთ. ვთხოვთ ს. ს. გამოუცხადოთ იმ დებუტატს, ვინც გაზეთის საქმე ჩააოხრა ენატარტალით.“

მღვდ. ს. ხარაძე.

- შინაარსი:** 1. სიტყვა წმ. თამარ მეფის ღღეს—გვ. ლეონიდი. 2. თამარის ქვეყანა—ღარსმან ღარუსი; 3. თამარის ღღე — იმერეთი; 4. წმ. თამარ მეფის ღღესსწავლი თფილისში; 5. ქართული პრესა და სამღვდელოება; 6. ღია წერილი სამღვდელოებისადმი; 7. მგონი მოგტყუვდიო! — რედაქცია; 8. კანონი არსებობისა არის შრომა, რაზედაც დამოკიდებულია როგორც კერძო ადამიანთა, ისე საზოგადოების კეთილდღეობა—მუშაკი; 9. ორ კვირაში; 10. წერილი რედაქციის მიმართ—მღვ. ს. ხარაძე.

რედაქტორი მღვდელი სიმონ გაველიძე.
გამომცემელი იოსებ ლეჟავა

სტამბა „მშობა“ პუშკინის ქუჩა, გოკიელოვის შეილების სახლი.